



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

2. An etiam cum periculo vitæ?

urn:nbn:de:hbz:466:1-41077

strare, quod posset censerī onus graue & intolerabile, (a) tamen falsum est solum teneri ad necessaria ministranda; quia id cederet in magnum detrimētum fidelium, & esset contra debitū pastorum munus: Quare tenentur eis ministrare remedia, si non omnia, certe ordinaria, quæ Christus omnibus fidelibus reliquit, & quæ sunt in ordinario vſu ecclesiæ, quando oportuno tempore, & secundum rectam rationem petuntur: Et bene notarunt parochiale (b) Leodiense & (c) Remense, non euadere peccatum mortale illos, qui negligentēs sunt in huius sacramenti administratione. Adde nec illos, qui subditis illud sibi ministrari perentibus recusant, vt plures eruditi & pii viri moderni sentiunt.

a *Adrian. q. 5. de Confess. dub. 8. Soto dist. 18. q. 4. ar. 2. Nauar. c. consider. de pœnit. dist. 6. num. 152.*

b *Paroch. Leod. pa. 138. §. An sit hoc sacramentum necessitatis. c f. 50. pag. 2.*

QVÆSTIO II.

An etiam cum periculo vitæ?

Quæstionis explicatio.

Teneri pastores ministrare sacramenta Baptismi, Pœnitentiæ, & Eucharistiæ, cum periculo vitæ, ante iuxta plurimum Theologorum sententiam asseruimus: Modo quærimus, an idem dicendum veniat de sacramento Extremæ Vnctionis?

Responsio.

Responsio.

Dico primo: Si pastores in ministratio-
ne huius sacramenti timent periculū
contagionis, tenentur remedia morali-
ter possibiliter adhibere, vt possint hoc sacra-
mentum quantum fieri potest, tuto mini-
strare, vt colligitur ex Doctoribus priori
quæstione citatis. Et probatur, quia hoc sacra-
mentum tempore contagionis est ma-
xime vtile fidelibus, & per se spectat ad mi-
nisterium & obligationem pastorum, igitur
debent allaborare, ne cogantur suos sub-
ditos illo priuare, remouendo omnia, quæ
possint illius administrationem impedire,
comparando res præseruatiuas & commu-
nia remedia contra contagionem. Et con-
firmatur, quia pastores tenentur pluris fa-
cere magnum bonum spirituale suorum
subditorum, exigua pecuniâ, quam pro e-
mendis huiusmodi præseruatiuis infumere
deberent, vt patet ex debito & ordine cha-
ritatis.

Dico secundo: Si adhibitis huiusmodi
remediis possint ministrare hoc sacra-
mentum sine magno periculo, tenebuntur illud
ministrare, & periculū saltem paruum adi-
re: quia superioribus quæstionibus osten-
dimus pastores teneri ministrare hoc sacra-
mentum, sicut & reliqua, non tantum ex
charita-

charitate, sed ex iustitia: Ergo hæc obligatio astringit pastores etiam cum periculo aliquo contagionis; & confirmatur, quia (vt ante diximus) Dux vel miles in temporali militia, sæpe obligatur exponere vitam suam corporalem maioribus periculis propter aliquam temporalem commoditatem, ergo & pastores eo tempore, quo spirituale bellum contra subditos suos exercetur, tenebuntur se exponere saltem aliquo periculo vite corporalis, ministrando eis sacramentum extreme Vnctionis, quod opportunissimum est ad vincendas illius temporis tentationes, & ad perfecte disponendam animam ad beatitudinis consecutionem.

Dico postremo: Si adhibitis remediis iudicio Catholicorum, & proborum Medicorum restet adhuc morale, & quasi certum contagionis periculum, non tenentur pastores ordinarie illud ministrare, & periculo se exponere, quia hoc sacramentum non est medium necessarium ex diuino præcepto, sicut alia, quibus nisi obexponatur, sufficienter subuenitur saluti subditorum.

Dixi (*ordinarie*) quia frequenter fit, vt subditi non possint alia sacramenta suscipere, vt obiter superiore quæstione diximus,

Cc mus,

mus, quibus casibus tenebuntur pastores, etiam cum certo periculo vitæ hoc ministrare, ne sine sacramento decedant, & pereant, qui alias saluarentur.

Dices: Quæ remedia ad vitandam contagionem in ministracione huius sacramenti imprimis sunt adhibenda.

*a. Mator in
4. dist. 23.
Gab. Biel.
Breaert sup.
Henric. lib. 3.
sum. c. 11. n. 1.
Petr. de Le-
desm. in sum-
ma, c. 6. con-
clus. 3. Bor-
rom. sup.*

R. Præter cotinuitia, de quibus in superioribus diximus, imprimis (*a*) expediet anticipare collationem huius sacramenti, ministrando illud initio ægritudinis, antequam contagio vires acceperit, quia cum pestis sit per se læthalis, & alias adeo noxia, non oportet aliquem gradum eius expectare, sicuti fieri debet in aliis pluribus generibus morborum; sed statim à principio impendi potest. Deinde expediet ut peste infecti initio morbi constituentur in loco puro & libero sine vestibus, quoad fieri poterit & honestas permittet. Postremo ut pastor virgula aliqua, argentea vel alia oblongiori utatur ad vngendum à distantiori loco, ut infra explicabimus.

Dices: Quid si istis & similibus remediis adhibitis & tentatis, remanet aliquod periculum contagionis, tenebitur pastor se illi exponere, etiam si ante ministraverit sacramentum Pœnitentiæ & Eucharistiæ?

R. Tenebitur, si iudicio medicorum & expect-

expertorum non sit morale (a) periculum, quia experientia teste, periculum illud frequentius ex nimio timore, quam ex re ipsa nascitur.

a Gabr. Biel. sup. Borrom. de cura pestilentia, c. 13 n. 2. Zuar. sap.

QVÆSTIO III.

An teneantur etiam ministrare tempore interdicti?

Quæstionis explicatio.

DE (b) iure non licet tempore interdicti generalis ministrare sacramentum Extremæ Vnctionis, ne ipsis quidem clericis & religiosis, qui habitant in loco interdicto, etiam si nō sint interdicti, secundum (c) Canonistas: Huius occasione quæritur, an pastores excusentur tempore pestis, an vero possint & debeant illo non obstante hoc sacramentum ministrare?

b c. Responsio de sent. ex cō. Et ibi Panor.

c Ioan. And. Et Chalder.

Responsio.

Excusantur, nisi peste infecti non possint aliud sacramentum recipere. Primum patet ex verbis (d) Innocentii Tertii: per generale interdictum (inquit) denegatur omnibus tam vnctio, quam Ecclesiastica sepultura. Alterum probatur, quia ideo in articulo mortis conceditur (e) tempore interdicti ministrari sacramentum Eucharistiæ & Pœnitentiæ, quia

d c. Quod in re. de senten. ex cōm.

e alma Mater, s. Quia vero,

Quia